



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

2. Exempla à P. Alexandro producta, ex illis, quos citat, falsi convicta.

urn:nbn:de:hbz:466:1-38277

tionibus semper magis, magisque intellexerim, iniquissimam esse causam Regaliæ, profuitque veritati impugnatam fuisse. Quis enim à Religioso, à Theologo, à Doctore Parisiensi, à viro tot libris & eruditione claro, non aliquid exspectasset, tot sperandi titulis dignum, & par materiæ? præsertim cum calamum arripiisset, hac Regaliæ causâ à tam multis doctisque jam discussâ; unde facile erat, si quid Regaliam juvare posset, & abunde, & cum selectu proferre, quippe flagrantibus nundinis ac Mercatorum plenis. Et tamen, quæ ab hoc viro, Regieque causæ Patrono allata sunt, adeò misera, detorta, aliena, frigida, ac longissimè & ab ultimis terræ plagis quæsita sunt, ut credam nunquam peius Regaliam habuisse, quam sub hujus patrocinio. Planè nihil ita movit, ut eam iniquissimam reputarem, quæm quod viderem tam inania esse, & plena pudoris, quæ pro illa dicerentur; sed omnia pervicit ardor Regem demerendi; huic Veritas, Pietas, Religio, omnia cessere: & dum omnes ex flore Majestatis roris aliquid mellisque libare certant, aranearum & crabronum more, perimunt, ut impluantur.

II. Patris ergo Natalis in favorem Regaliæ argumenta hæc sunt. Primo, ut prober Regaliam sub Regibus primæ & secundæ stirpis in usu fuisse, exempla profert palam iniqua, & à Patribus damnata, perinde ac si quis adulteria, usuras & furta, Davidis, Achabi, & Zachæi exemplis purgaret; quod vero flagitium est exemplis nudum? Sic *Differat. 8. a. 3. §. 4.* Exemplum Caroli Martelli affert, qui Episcopatum, Abbatarum, aliorūque Beneficiorum Ecclesiasticorum provenitus Nobilibus concepsit. Atqui certum est, impiam & sacrilegam fuisse eam bonorum Ecclesiasticorum usurpationem: idque Patres Rhemensis & Rotomagensis Provinciarum in Synodo Carisiacensi palam professi sunt *capite 7.* Imò Martelli ipsius filij Carolmannus, & Pipinus in Synodis Liptineni, & Suectioneni magnam usurpatorum bonorum partem restitui fecere; nec enim omnia poterant: unde Carolus Magnus nepos, & Ludovicus Pius Martelli pronopos ultimam manum adhibuere, ac restitutionem prosecuti sunt. Eodem articulo 3, ex appendice Flodoardi hæc verba allegat: *Defuncto Tilpino Archiepiscopo tenuit D. Rex Carolmannus Rhemensis Episcopium in suo Dominatu, & dedit villam Novillacum in Beneficium Anschero Saxoni.*

X 2

Atqui

Gallia
indicata
G. III
23. c

Atqui ex eadem appendice Flodoardi, & operibus Hincmaris ^{tome 2,}
 Edit. Sirm. constat eam villam à Ludovico Balbo Ecclesiae Rhe-
 mensi fuisse restitutam Hincmaro Regi ostendere: *Auctores Sacro-*
rum Canonum damnum Spiritus Sancti iudicio eos, qui Defunctorum eleemosynas
retinente, & Ecclesiis tradere demorantur, qui ut infideles ab Ecclesia abiiciendi,
& quasi egenum negotiores, &c. Et a. 3. §. 13. ex epistolis Joannis VIII. pro-
 bat hunc Pontificem consensum Carolomanni pro Constitutione
 Episcopi Vercellensis postulasse, unde concludit *Monarchia Francie*
jus conferendorum Episcopatum coeyum esse: & tamen ex epistola 110.
 ejusdem Joannis ad Theodoricum Bisuntinensem Archiepiscopum
 certum est, id juris non spectasse ad Regem; ita enim scribit: *Mo-*
*nemus per DEUM Patrem, & Filium, & Spiritum Sanctum, Apostolicq; au-
 toritate expreſſe jubemus, ut ibi Episcopum, neque ex iuſſu Regis, neque ex pena
 plebis consecrare preſumas, &c.* Articulo 4. §. 6. adducit exemplum Lu-
 dovici Crassi, qui præbendas ac dignitates, quæ Ecclesiis viduatis
 vacaverant, conferebat frustra obnitente Hildeberto Episcopo
 Turonensi. Ceterum quām parūm æqui fuerint Ludovici conatus,
 nemo melius Hildeberto depinxit; sic enim scribit epistola 67, ad
 Honorium II. Papam: *His alijsque premor angustijs, quia Zelo Zelatus sum
 legem Domini mei, quia non sum transgressus terminos, quos Patres nostri posse-
 runt, quia dignitates Ecclesiasticas nec ex Regis præcepto disposui, nec ei disponens
 facultatem indulsi.* Et de Ludovici in Ecclesiasticos aperitatem gravissi-
 mæ sunt D. Bernardi querelæ, quas videre licet epistolis 45. & 59.

Articulo 4. §. 12. utitur exemplo Ludovici Junioris à S. Thoma
 Cantuariensi ab Innocentio II. & III. & Alexandro III. Summis PP.
 laudato; si verò Regaliam exercuit. Sed quām sèpe multūmque
 in bonis Ecclesiasticis usurpandis Ludovicus sui oblitus fuerit, lu-
 culentè S. Bernardus testatur epistola 122. *De quo jure preſumit, ut Ec-
 clesiistarum Possessiones & terras devaſet, ut Christi oībus Pastores præfici non per-
 mittat, ut his quidem electorum promotionem prohibeat, alijs verò dilationem
 electionis indicet, donec universa consumperit, donec diripuerit pauperum facul-
 tates?* Nec obstant laudes Ludovico datæ; multa enim gessit lau-
 dibus digna, sed non omnia: quanta Davidi encomia etiam à Deo
 tribuuntur, quanta Theodosio Magno ab Ambrosio, quanta Brunihil-
 di, & Mauritio à Gregorio Magno; num ideo adulteria, ho-
 micidia, rapinas istorum liceat imitari? non ergo honestas actio-
 num

num exemplis, sed legibus metienda est, leges enim semper iusta sunt, alioquin leges non forent; exempla etiam in bonis sæpe perversa. Vide de malè usurpatis Ecclesiæ bonis eundem Bernardum epist. 224. ad Stephanum Prænestinum Episcopum, qui aper-
tè usum Regalæ in Ludovico damnat; postquam enim dixisset:
*Non sufficit spoliari bonis presentibus Domos Episcopales. Mox tanquam ma-
lum multò gravius indigniusque adjungit: Etiam in terras & in homi-
nes manus sacrilega, circumquaque desavit, totius anni ex eis reditus sibi vendi-
cando.* Articulo 4. §. 16. exemplo Henrici II. Angliae Regis Regalâ frumentis causam suam confirmat, eamque ab Alexandro III. non fuisse improbatam contendit. At contrarium testimonio Alexandri constat, cùm enim inter articulos consuetudinum Anglicanum, quibus subscribere S. Thomas Cantuarius recusabat, duodecimus fuisse Alexander exhibitus, & in hæc verba conceptus:
*Cum vacaverit Episcopatus, vel Archiepiscopatus, vel Abbatia, vel Prioratus de
Dominio Regis, debet esse in manu ejus, & inde percipiet omnes reditus, & exitus
sicut Dominicæ. Et cum ventum fuerit ad consilendum Ecclesia, & in Capella ipsius
debet fieri electio assensu Regis & consilio Personarum, quas ad hoc faciendum
vacaverit, & ibidem Electus faciet Homagium & fidelitatem Domino Regi sicut
Ligo Domino, de vita & membris, & de honore suo terreno, salvo ordine suo,
pruisquam sit consecratus.* Huic inquam articulo Alexander post mat-
turm examen hanc censuram apposuit: *Hoc dannavit.* Nec obstat
quod excipit P. Alexander, videlicet Regaliam non fuisse absolute
quoad usum fructum videlicet vacantium bonorum, & quoad Collationes
Beneficiorum, damnatam; sed tantum quoad abusus illic enumerato-
res. Ceterum vana est hæc elusio: *tum quia cùm Pontifex partem
tantum damnabat articuli alicujus ex consuetudinibus à Rege
Angliæ damnatis, hac formulâ limitata utebatur: Hoc partim dam-
navit, partim admisit vel toleravit;* cùm ergo Pontifex articulum 12.
absolutè, non limitatè damnet, certum videtur, fuisse omnino, in-
tegrè rejectum, & consequenter etiam quoad usum fructum,
& collationem Beneficiorum, & consequenter quoad Regaliam.
*Tum quia Matthæus Parisiensis ad Annum 1164. illas consuetudines
vocat iniquas, Deoque detestabiles.* *Tum quia auctor vitæ S. Thomæ id expressè testatur his verbis:* *Mos enim prophanus in plurimis jam
Regnis inolevit, quod Episcopatus vacantes, & Monasteria Reges pro voto tenent,*

Gallia
indicta
III
23.0

& quasi Christo proscripto applicantur Fisco dos vidue, & Crucifixi patrimonium, salamitoforum refrigeria, & subsidia egenorum. Tum denique quia Stephanus Henrici I. Angliae Regis Successor, Regaliæ, hoc est usurpatio ni bonorum vacante Ecclesia renuntiaverat, teste Wilhelmo Malmesburiensi ad ann: 1135, in haec verba: *Dum vero Sedes proprijs fuerint Pastoribus vacue, & ipse & omnium earum possessiones in manu sint & custodia Clericorum, & proborum hominum ejusdem Ecclesia committantur, donec Pastor canonice substituatur.* Pessimam ergo hanc consuetudinem, cui Stephanus renuntiaverat, Henricus II. reducere conabatur, obniente S. Archiepiscopo Cantuariensi.

Articolo 4. §. 38. exemplo uritur Ermengardis Vice-Comitissæ Narbonensis, quæ juri Regaliæ renuntiavit; habuit ergo, infra P. Alexander, jus Regaliæ, alioquin renuntiare illi non poterat. Sed quantum pretij hoc exemplum sit, & quam justo titulo Regaliam nisi Ermengardis crediderit, ex iphius Renuntiationis verbis intellige:

(a) *Ego Ermengardis Narbonensis Vice-Comitissa recognoscens injuriam, quam Parentes mei & ego in possidentis honoribus & bonis diripiendis decedentem Archiepiscoporum Narbonensis Ecclesia hucusque fecimus, &c.* Et Hadrianus IV. Pontifex Max: in Diplomate, quo eam Renuntiationem confirmat: *Dilecta in Christo filia Ermengardis, pravam quandam consuetudinem, que contra DELIM, & Ecclesiam vestram antiquitus inoleverat, abolere desirans.* Ergo quod *injuria*, quod *rapina*, quod *prava & contra DELIM consuetudo appellatur*, id P. Alexander pro basi Regaliæ habet; quid pejus de illa dicere posset, si ex proposito impugnandum suscepisset?

Quam plura sunt hujusmodi exempla à P. Alexandro in citata Dissertatione prolatæ, quæ cum conflitet iniqua fuisse, sequitur iniquam etiam causam Regaliæ, quæ ex illis deducitur; & Patrem Alexandrum illius patrocinium suscepisse, non ex meritis causa, sed ex animi affectu, quicunque tandem is fuerit: quis enim sibi unquam persuadeat hominem doctum, & eruditum, studijs innutritum, ex Professione Theologum Criticumque, non animaduerisse exemplis adeò inquis ab Ecclesia damnatis Regaliæ causam non tam constitui, quam destrui? Sed utcunque res se haberet, fixum erat Regi placere, haec meta scribendi.

III. Secundo.

(a) Stephanus Balluc. in addit. ad D. de Marca lib. 8. cap. 18. de Concord. Imper. & Sacerd.